



Broj: 05/1-50-13-29-26-3/16
Sarajevo, 16.11.2016.

ZAPISNIK

26. sjednice Nezavisnog odbora Parlamentarne skupštine BiH

Sjednica je održana 16.11.2016., s početkom u 17 sati.

Sjednicu je sazvao Žiko Krunić, predsjednik Nezavisnog odbora.

PRISUTNI ČLANOVI NEZAVISNOG ODBORA: Žiko Krunić, predsjednik Nezavisnog odbora, Enes Obralića, prvi zamjenik predsjednika Nezavisnog odbora, Ilma Mehić-Jusufović, Nikola Džambas, Mate Miletić, Ljubomir Kuravica i Miroslav Škorić, članovi Nezavisnog odbora.

OPRAVDANO ODSUTNI: Mato Jozić, drugi zamjenik predsjednika Nezavisnog odbora, i Adisa Begić, član Nezavisnog odbora.

OSTALI PRISUTNI: Ivana Lovrić, koja obavlja poslove sekretara Nezavisnog odbora.

Sjednicu su pratili i Zoran Brkić iz Sektora za odnose s javnošću Sekretarijata Parlamentarne skupštine BiH te Dijana Šatara, predstavica OHR-a.

Sjednicom je predsjedavao predsjednik Nezavisnog odbora Žiko Krunić.

Konstatirajući da postoji kvorum za rad, otvorio je 26. sjednicu Nezavisnog odbora Parlamentarne skupštine BiH.

Nezavisni odbor jednoglasno je usvojio sljedeći

DNEVNI RED

1. Usvajanje Zapisnika 25. sjednice Nezavisnog odbora;

2. Razmatranje Informacije Granične policije BiH o preduzetim aktivnostima na realizaciji preporuka datih u Izvještaju Ureda za reviziju institucija BiH za 2015. godinu, broj: 17-06-4-16-10-4087-18/15, od 30.9.2016. (broj PSBiH: 05/1-50-13-29-24-5/16, od 6.10.2016.), i Izvještaja Granične policije BiH o preduzetim aktivnostima na realizaciji preporuka Ureda za reviziju institucija BiH za 2015. godinu, broj: 17-06-4-16-10-4087-23/15, od 4.11.2016. (broj PSBiH: 05/1-50-13-29-24-5/16, od 8.11.2016.);
3. Razmatranje predstavki D.P., broj: 05/1-50-17-2859/16, od 8.11.2016., i broj: 05/1-50-17-2859-2/16, od 9.11.2016.;
4. Informacija o posjeti članova Nezavisnog odbora Direkciji za koordinaciju policijskih tijela BiH;
5. Tekuća pitanja.

Ad.1. Usvajanje Zapisnika 25. sjednice Nezavisnog odbora

Zapisnik 25. sjednice Nezavisnog odbora usvojen je jednoglasno, bez primjedbi.

Ad.2. Razmatranje Informacije Granične policije BiH o preduzetim aktivnostima na realizaciji preporuka datih u Izvještaju Ureda za reviziju institucija BiH za 2015. godinu, broj: 17-06-4-16-10-4087-18/15, od 30.9.2016. (broj PSBiH: 05/1-50-13-29-24-5/16, od 6.10.2016.), i Izvještaja Granične policije BiH o preduzetim aktivnostima na realizaciji preporuka Ureda za reviziju institucija BiH za 2015. godinu, broj: 17-06-4-16-10-4087-23/15, od 4.11.2016. (broj PSBiH: 05/1-50-13-29-24-5/16, od 8.11.2016.)

U uvodu u ovu tačku dnevnog reda predsjednik Nezavisnog odbora Žiko Krunić podsjetio je članove Nezavisnog odbora da je na njihov zahtjev Granična policija BiH dostavila Informaciju o preduzetim aktivnostima po nalogima Ureda za reviziju institucija BiH te otvorio raspravu. U raspravi je učestvovala većina članova Nezavisnog odbora nakon koje su jednoglasno primili k znanju Informaciju Granične policije BiH.

Ad.3. Razmatranje predstavki D.P., broj: 05/1-50-17-2859/16, od 8.11.2016., i broj: 05/1-50-17-2859-2/16, od 9.11.2016.

U uvodu u ovu tačku dnevnog reda predsjednik Nezavisnog odbora Žiko Krunić napomenuo je da je izvjesni D.P., policijski službenik Granične policije BiH, u nekoliko navrata na e-mail

Nezavisnog odbora dostavljao predstavke, a koje ukazuju na krijumčarenje cigareta iz Bosne i Hercegovine za Republiku Hrvatsku te otvorio raspravu.

Nakon rasprave, u kojoj je učestvovala većina članova Nezavisnog odbora, jednoglasno je odlučeno da se predstavke prosljede Graničnoj policiji BiH kako bi se očitovali o njima i o tome u što kraćem roku obavijestili Nezavisni odbor.

Ad.4. Informacija o posjeti članova Nezavisnog odbora Direkciji za koordinaciju policijskih tijela BiH

Predsjednik Nezavisnog odbora Žiko Krunić u uvodu u ovu tačku dnevnog reda podsjetio je da su Žiko Krunić, predsjednik Nezavisnog odbora, Enes Obralić, drugi zamjenik predsjednika Nezavisnog odbora, te Nikola Džambas, član Nezavisnog odbora, danas, 16.11.2016., posjetili Direkciju za koordinaciju policijskih tijela BiH i održali sastanak s direktorom Mirsadom Vilićem i zamjenikom direktora Milom Jurićem.

Navedeni članovi ukratko su usmeno informirali ostale članove Nezavisnog odbora o sastanku s rukovodstvom Direkcije za koordinaciju policijskih tijela BiH, te je dogovoreno da se pismeni izvještaj pripremi i razmatra na jednoj od sljedećih sjednica Nezavisnog odbora.

Članovi Nezavisnog odbora nisu imali primjedbi i primili su k znanju usmenu informaciju o sastanku s rukovodstvom Direkcije za koordinaciju policijskih tijela BiH.

Ad.5. Tekuća pitanja

U sklopu ove tačke dnevnog reda predsjednik Nezavisnog odbora informirao je prisutne članove Nezavisnog odbora da je Adisa Begić, dopisom broj: 01,02,05/1-34-1-2853/16, od 8.11.2016., podnijela ostavku na članstvo u Nezavisnom odboru te o tome obavijestila predsjedavajućeg Predstavničkog doma i predsjedavajućeg Doma naroda Parlamentarne skupštine BiH.

Predsjednik Nezavisnog odbora Žiko Krunić zaključio je sjednicu u 17,45 sati.

SEKRETAR
NEZAVISNOG ODBORA

Ivana Lovrić

PREDSJEDNIK
NEZAVISNOG ODBORA

Žiko Krunić